



16



3 9 ✓
MEDICATIO
VIRI
SPASMO
Brachiorum & crurum affecti:

QVAM
Deo Opt. Max. auxiliante,
PRÆSIDE
VIRO CLARISSIMO
D. HENRICO REGIO,
Reip. Ultrajectinæ Poliastro, & Medicinæ
ac Botanices Professore Ordinario,
Publico examini subjicit
FRANCISCUS HASBARTIUS, MULH.
Ad diem 22. Martij, horâ 9. matutinâ.



Naturâ & Industriâ.
TRAJECTI ad RHENUM,
Apud PETRUM DANIELIS SLOOT,
ANNO M. DC. XLV.

Optimo & integerrimo Viro

D. MARTINO HAESBAERT, Electori
Brandenburgici Secretario, Parenti suo omni ob-
servantia colendo.

NEC NON

D. MARTINO HAESBAERT,
J. U. Doctore,

D. JOHANNI HAESBAERT,
J. U. Candidato,

D. PETRO HAESBAERT,
Pharmaceuticæ operam danti,

D. LEONARDO HAESBAERT,
Humaniorum Artium Studioſo.

Fratribus suis
arctissimo amo-
ris vinculo ſibi
conjunctis,

*Haſce Academicas primitias in filialis obſervantia,
& fraterni amoris teſſeram*

Offert

FRANCISCUS HAESBAERT

M E D I C A T I O

V I R I

S P A S M O

Brachiorum & crurum affecti.

T H E S I S I.

Vir agens annum quadragesimum, pituitosus, crassâ cere-
visiâ quotidie se inebrians, otiosamque vitam plerumq;
ducens; tempore hyemali & pluvioso, ab itinere sub
vesperam domum redux, repentè in involuntarias, & summo
dolore excruciantes, crurum brachiorumque contractiones, per
frequentia intervalla redeuntis, incidit. Membra, ubi sunt con-
tracta, vix ullâ vi in pristinum statum possunt reduci. Præ dolo-
ris sæpè redeuntis vehementia, perdius & pernox vigilat. Con-
queritur etiam de capitis & dorsi dolore.

II.

Partes affectæ in hoc ægro, sunt cerebrum & spinæ medulla,
item brachia & crura: quod eorum dolor & contractio indi-
cant. Per *idiopathiam* afficiuntur cerebrum & spinalis medul-
la; per *sympathiam*, aliæ partes affectæ: quippe quæ à prioribus
causam continentem accipiant; uti ex causarum explicatione
patebit.

III.

Morbus, qui nostrum ægrium affligit, est intemperies frigida,
humida & acris cerebri, & medullæ spinalis; item inordinatus
spirituum animalium, nimis acrium & crassorum, in musculos,
brachiorum & crurum contractorios, copiosè & vehementer
fluentium, motus; qui, eas partes contra voluntatem ægri magnâ
violentia contrahens, *spasmus* istarum partium nuncupatur.

C 2

IV. *Causa*



IV.

Causa præcatartica hujus morbi est crapula cerevisiaria, cui hic vir quotidie operam dedit: item otiosa ejus vita. Hinc enim, pituitoso ejus adjuvante temperamento, pituitosi & acres humores in toto ejus corpore sunt collecti; qui *antecedentem* hic constituunt causam. Hi autem in spiritus conversi, & vi frigoris humiditatisque aëris hyemalis, ac incommodis in itinere toleratis, in corpore retenti, atque hinc inordinatè in cerebro & medullâ spinæ moti, talem subinde accipiunt determinationem, ut valvulas nervorum, quæ contrahendis brachiorum & crurum musculis inserviunt, citra & contra voluntatem nostri ægri aperiant; tantâque vi, cum ex cerebro, tum ex oppositis lacertis, in musculos illos fluant, eosque cum magno dolore, omnem somnum ipsi & noctu & interdiu adimente, tam vehementer secundum latitudinem & profunditatem distendant, secundum longitudinem verò contrahant, ut vix ullâ astantium vi in pristinum statum queant restitui; atque ita *continens* hujus convulsionis sint causa. Ut enim valvulæ musculoem ab ordinato, & naturali spirituum motu (quippe qui ab animâ nostrâ regi potest), pro arbitrio nostro aperiri & claudi solent: ita per inordinatum eorum motum illæ inordinatè & præter nostram voluntatem aperiuntur; cum isti quâ data porta ruant, nec ab anima nostrâ rectè gubernari vel determinari queant. Spiritibus autem his per intervalla insensibiliter dissipatis vel sopitis, oriuntur in hoc affectu contractionis & doloris induciæ: ij verò, postmodum ex antecedente causâ satis copiosè regeneriti, exhibent ægro novos alternatosque paroxysmos.

V.

Sunt qui existimant, cacochymiam pituitosam, ex ebrietate & vitâ otiosâ collectam, nervos brachiorum & crurum hinc nimis replere, eosque ita distendere, ut fides testudinis ab aëre humido, in illas sese insinuante, distendi & contrahi, immò etiam disrumpi non rarò solent. Sed magna inter hæc intercedit dissimilitudo:

nervi

nervi enim testudinis sunt conflati ex intestinorum, quorundam animalium, fibrillis inter se fortiter contortis, qui idcirco ab aëris humiditate, in interstitia earum impulsa, distendi, contrahi, & interdum dirumpi possunt. Fibrillæ verò nostrorum nervorum non sunt contortæ, sed laxè inter se coherent; atque idcirco, instar chartæ in aquâ maceratæ, ab humoribus illapsis essent potius relaxandæ, quàm contrahendæ. Imò si hic spasmus à tali nervorum repletionem oriretur, cavitates eorum ab humoribus, eas replentibus, obstruerentur: atque ita cum hâc convulsione paralytis, sensum tollens, necessario esset conjuncta: cujus tamen nulla hîc adsunt indicia.

VI.

Alii verò, qui credunt motum omnem ab imaginatione vel appetitu proficisci, putant imaginationem vel appetitum hîc esse depravatum, eumque, hunc depravatum & involuntarium, musculorum efficere motum, ut imaginatio vel appetitus naturalis motum excitat naturalem. Sed motum corporis sæpissimè citra ullam imaginationem vel appetitum fieri, docet respiratio in somno, & alterna pedum agitatio inter ambulandum, citra ullam demovendo corpore imaginationem vel appetitum, facta. Imò si imaginatio & appetitus hîc quicquam possent; æger noster hunc spasmum adeò dolorificum, quemque adeò est exosus, contraria imaginatione, & diverso appetitu facile sufflaminaret.

VII.

Alii asserunt humores, in spasmo laborantibus, peculiarem quandam habere qualitatem molestam, quâ facultatem excretricem nervorum & musculorum naturalem irritant; eamque irritatam, suæque imbecillitatis consciam, facultatem expultricem animale in auxilium vocare, atque ad violentum hunc motum incitare. Sed neque hæc sententia nodum rectè solvet. Nam nullâ ratione intelligi potest, quomodo facultas expultrix musculorum natura-

naturalis, quæ, si detur, nullum intellectum habet, animal enim corundem facultatem in auxilium vocare, atque hæc illi, contra voluntatem ægri, tantâ vi suppetias venire queat. Cum hoc sine cognitione, quâ spiritus & muscoli totius corporis sunt destituti, fieri non possit.

VIII.

Quod autem spiritus, diversimodè ab objectis vel aliâ causa moti vel determinati, hos vel illos nervos eorumque diversas valvulas aperiant, cuius, rem rectè pensulanti, est manifestum. Cum hoc quotidie inter cogitandum, imò interdum citra ullâ cogitationem, ex certo spirituum in has vel illas partes influxu, earumque tensione, observemus.

IX.

Sed hic quæret forsân aliquis: spasmus fiatne à læsâ facultate animali, an verò naturali. Respondeo ab animali fieri. Oritur enim ille à spiritibus animalibus, & musculis, qui ad facultatem animale[m] pertinent; quia, cum illi benè sint constituti, subsunt animæ imperio, & actionum animalium proxima sunt instrumenta. Nec obstat spasmus contra & interdum citra voluntatem ægri fieri: nam ad actiones animales non requiritur, ut semper ab animæ imperio seu voluntate fiant; cum multæ actiones animales, quas ego automaticas appello, quales e. g. sunt respiratio & corporis volutatio, quæ in somno, & incessus, qui inter ambulandum & aliud cogitandum sæpè contingit, citra mentis imperium fiant. Quæ tamen omnes ideo sunt animales, quia ipsæ, ubi partes, ad hanc facultatem pertinentes, rectè se habent, ab animâ ad rem attendente, perfici & dirigi immediate possunt.

X.

Morbus hic valdè est periculosus, ob symptoma doloris & vigiliarum, quod vires ægri valdè prosterne, & mentis alienationem inducere potest.

XI.

Festine itaque ad curationem est accedendum: quæ perage-
tur,

tur, primò per antecedentis, & deinde continentis causæ ablationem; ac intemperiei cerebri, & medullæ spinæ, partiumque dolentium correctionem; nec non doloris mitigationem,

Idcirco omnium primo injiciatur talis clyster:

R. rad. lilior. albor. vnc. j. aristolochiæ rot. vnc. s.
herb. malvæ, bismalvæ, salviæ, betonica, an. m. j.
flor. camomill. melilot., centaur. min. an. p. ii.
furfuris macri m. s. agarici vnc. s.

Coq. ex aq. com. ad lib. i. s. Colatura addantur
hiera picrabenedita, laxat. drag. iij. mel. ros. vnc. j.
olei lilior. albor. vnc. j. s. salis drag. s. F. Clyster.

Ad humores & spiritus alterandos deinde bibat de hoc decocto:

R. salviæ, majoranæ, herb. paralyfis, beton., lauri,
flor. rorismarini, stachados an. m. j. Decoquantur in hydromelite
ad lib. j. F. apozema; de quo bibat per intervalla
vnc. iij.

Deinde mox purgetur his pilulis:

R. pil. cochiar. fetidar. de agarico an. drag. j. scammon. gr. iij.
cum syr. betonica q. s. F. pilulæ N. ix.

Post purgationem detur castorei drag. j. in aq. salviæ dissoluta
Purgatio etiam aliquoties erit reiteranda, & utendum de hac mixtura:

R. conserv. flor. anthos., beton. an. vnc. j. rad. acori cond. drag. j.
confection. anacardina, diamusci an. drag. ij. mitbridat. opt.
drag. j. s.

Castorei scrup. ij. syr. de stachad. q. s. F. conditum: de quo
sumat manè & vesperi, castaneæ quantitatem

Caput, post evacuationes universales, purgetur his pastillis masticatoriis:

R. pyrethri, sem. staphisagriæ an. drag. j. s. nucis moschat., maceri,
drag. j.
acori conditi, zinzibe. cond. an. scrup. ij. s. mastiches drac. ij.

succo

Jucci betæ q. s. F. pastilli mansiles.

Pars posterior capitis, ac tota spina dorsi, partesque spasmo contractæ, sequenti linimento erunt inungendæ & fovendæ :

R. *olei lilior. alb., terebinth. an. vnc. j s. irini drag. iij. axung. humanæ, vulp., unguenti Agrippæ an. vnc. s. F. linimentum*

Si dolor & contractio his non cedant, utatur hoc balneo ter aut quater in die, cavendo nimiam ex eo debilitatem:

R. *rad. malvæ, lilior., narcissi an. vnc. vj. fol. salviæ m. iij. malvæ, absinthij. origani an. m. ij. flor. cammomillorum, meliloti, stechad. an. m. ij. s. seminis lini, fœni græci, anisi an. lib. s. Coquantur in aq. com. q. s. pro Balneo: addendo inter coquendum vulpem, si haberi possit.*

A Balneo partes antea dictæ liniantur hoc unguento:

R. *flor. rorismarini, stechad., serpill. sampsuchi, byssopi an. m. j. maceris, cinnamomi, nucis muschate, caryophyllor. an. drag. s. castor. scrup. j.*

Coquantur in sufficienti quant. ol. irin. F. unguentum.

Dolor, si his sit implacabilis, poterit ille etiam liniiri gr. iij. vel v. laudani opiat, vel drag. i. Philonij Roman. vel gr. vj. aut viij. extracti croci Iac. Bontii.

XII.

Interim utatur *diætâ*, in quâ aër sit calidus, & siccus: cibus ex carnibus gallinaceis, ovis forbilibus: potus, aqua mulsa, pauco cinnamomi vel salviæ condita. Motus vitandus, sed frictiones ejus locum occupent. Alvus respondeat vel naturâ vel arte. Animi pathemata fugiantur.


00 A 6396

ULB Halle 3
002 928 167



St





g. f.
f. *Misceantur ad consist. Electuarii.*

XIII:

& humidus. Cibus sit panis ex bono
us, & rectè coctus; sumat ova recentia,
, gallinaceas: conuenit ptisana horde-
iunt malua, lactuca, buglossum, bor-
ilcia, uvæ passæ. Vitet legumina, por-
quantitas sit moderata. Vinum bibat
revisiam bene defæcatam. Exerciti-
ianda sufficiat. Quærat lætitiæ occa-
mnus sit longior. A vigiliis diuturnis

3 9

MEDICATIO

VIRI

S P A S M O

Brachiorum & crurum affecti:

Q V A M

Deo Opt. Max. auxiliante,

PRÆSIDE

VIRO CLARISSIMO

D. HENRICO REGIO,

Reip. Ultrajectinæ Poliastro, & Medicinæ
ac Botanices Professore Ordinario,

Publico examini subicit

FRANCISCUS HASBARTIUS, MULH.

Ad diem 22. Martij, horâ 9. matutinâ.



Naturâ & Industriâ.

TRAJECTI ad RHENUM,
Apud PETRUM DANIELIS SLOOT,
ANNO M. DC. XLV.

